




三舞ノ三七  
全  
式冊

柳田文庫  
文庫11  
A1114b







文庫 11  
A 1114b

集 水

并附錄

錫



柳田泉文庫

永錫



孔易集



明格年歲  
參尊強世  
文會堂開

雜老

成齋書





老鶴

雲間

意長

松雪

外婆

懷柔





永錫集序



鄉人朝比宗星塾二子輯家  
君六十一壽序若詩自三都  
諸先生以至清人精實得四  
十餘首請成齋先生名曰永  
錫集以深在先生門也且俾

深一言以廁卷端顧使家君  
德業每可稱道乎深復何言  
若其有可稱道乎諸大人先  
生言之無遺而所輯佳詩名  
文讀者自知之則亦奚待於  
深之揄揚哉蓋壽富才德不

能鍾諸一身故或富貴終其  
世而世守澆以垂於後或澆  
高才大而天不假之年支德  
至重矣真其富貴以享一時  
之榮不若壽考而多閱人事  
變遷古云富貴外物安足與

壽考較其福良有以也一日成  
齋先生進深而言曰當予與  
乃父在若黃時海內之士抱  
佛羔者何限而忽三十年其  
存於今者無幾乃父乃能以  
詩書立身既躋周甲之齡猶

原寧世為者是天永錫之以  
難老以倏遂其志業也而四  
方名流鉅人作為歌詩相贈  
為壽亦皆慶醴之情不能已  
焉酒則如此集傳之於家与  
子孫友生永享其錫可也深


聞而私喜已退書其語以寄  
二子為之序

明治十四年八月

內村資深撰并書




青柳  
明樓  
柳中樓  
柳中樓  
柳中樓






九易集

九




九易集







孔易集

十一



孔易集



田崎精渚錦織麓莊以其所藏古器物  
設若醜於青柳樓上且為鱸香先生壽  
此圖乃天埜漱石所就而模寫者

永錫集

星野文淑 編輯

朝比奈健助

星野豐城 名世恆正七位  
四等編修官新

瀧縣人

鱸香内邨學士壽序

島根内邨子原學於東京。一日來請曰。家嚴



今年六十一。五月八日為攬揆之辰。將開壽筵。賀之。請為賜一言。予曰。子之大人以世為年。今纔躋下壽。乃欲隨而賀之乎。子原曰。敢問何謂也。予曰。吾未知子之大人。然知子之縣令境君仲寬矣。戊寅歲。仲寬至東京。予訪之。客舍。仲寬出文一卷見眎。受而讀之。詞意暢達。能言其所欲言。予問是誰所作。仲寬曰。吾縣庠卒業生內邨資深之文也。生弱齡有

文如此。將以今秋來遊。幸善遇之。予謂自文部改學制。古書束高閣。諸生無復解為漢文者。獨島根之學不然。此非教官酌古今之宜。慎本末之序而善導之焉。能致此。因問教官姓名。仲寬曰。名篤斐。字子輔。號鱸香。即生之父也。予心記之。聞其少時學於昌平黌。從伊地知岡諸先輩而問之。頗得詳其平生。夫島根之為縣。管國五口。百餘萬。其上縣庠者不

下數百千人。子之大人言諭而躬化之。才俊者奮。昏愚者勵。同期於成。如吾子之夙達。雖由乎資質之美。亦唯旅進旅退而得之。非大人有所私焉。則此數百千人者。皆將同有得於大人之學德也。傳有之。君子之澤五世而斬。小人之澤五世而斬。此就一人之身。汎言流風遺範之所及焉耳。若使其人道隆而德邵。為其子孫若徒弟者。又能繼承而弗墜。雖

百世而存可也。且君子道德文章。與天壤俱不朽。所謂真人入火不熱。入水不溺者。詩曰。如南山之壽。不騫不崩。唯君子有學德者為當之。島根治於松江。背澄山水。而面大山。右寔道湖。而左中海。風物明麗。兼有鱸魚鯉。之美。稱為山陰第一勝區。子之大人齡甫及耆。擬彼商周國老。以期頤受天子之饋者。尚在壯盛之年。矧江山以怡目。鱗介以養體。其

膺多福而享遐壽。豈有限極。於是乎縣人之薰陶成就者加多。而予之所云以世為年者。信而有徵矣。子此之不察。而欲遽賀之。豈不太早計耶。子原曰。君之言遠矣。資深父子。皆不足當。然其所謂不可遽賀者。乃所以深賀之。祝壽之典。每十年舉之。吾家慶事。不止於此。而君每次賜言寵之。不亦可乎。予曰。然。乃次第所與言而贈之。

杉 聽雨

名重華字子華  
從四位宮內大  
輔山口縣人

詠松以賀鱸香先生六十一壽。

霜風吹凜冽。落葉滿門庭。獨有後凋樹。依然晚翠青。

重野成齋

名安繹字士德  
從五位編修副  
長官鹿兒島縣人

題雪松圖賀內邨鱸香周甲。

孤根未入丁家夢。礪底幽潛幾許時。獨有雪  
花埋不得。一枝猶現歲寒姿。

長松秋琴

名幹字子固從  
五位修史館監  
事山口縣人

鱸香内邨先生六十初度壽詞。令嗣子

原妙齡能文。末句故及笑正。

六十餘齡眼益高。文章今日推才豪。壽康不  
特南山頌。傳得家聲有鳳毛。

川田甕江

名剛字毅卿從  
五位宮内省出  
仕岡山縣人

賀内邨鱸香翁六十一誕辰

壽詞唱和幾篇篇。呼做人間不老僊。繼業有  
兒能養志。彩毫鮮勝彩衣鮮。

巖谷一六

名修字誠卿從  
五位一等編修  
官滋賀縣人

題畫二首。祝鱸香先生六十一壽。

南山有古松。蒼翠四時茂。九莖芝伴之。千歲齊其壽。松芝

老鶴安閒放。寒襟守貞淑。超然塵垢外。同占湖山福。梅鶴

中邨敬字

名正直字敬輔  
從五位大學教  
授静岡縣人

鱸香先生華甲壽筵。作詩奉賀。

鱸香先生六十一。清德善行多可述。郎君遊

學在東都。乞言將壽誕辰吉。常疑年纔踰弱冠。心志堅牢語老實。不似世間少年凌。負才恃氣意驕逸。尤驚文章超等輩。才華煥發有氣骨。此豈無由而然耶。果知庭訓有自出。渥洼元是神駿姿。豫章素具棟梁質。交游堪為砥礪資。紛華肯奪貞白節。我觀郎君望非小。其學欲兼綜本末。應知大器期晚成。衣錦榮歸志可達。他日其必及見之。吾復得欣然執

筆。先生百歲我九十。上堂極歡或有日。

金井金洞

名之恭字梧樓從五位太政官

歲辛巳夏五月之吉。錄舊作。祝鱸香翁

還曆之壽。

腰纏不用到揚州。何復吹笙緱嶺游。一入蓬萊僊夢穩。瑞雲琪樹伴千秋。

股野藍田

名琢字子玉從五位太政官大

書記官兵庫縣人

內邨鱸香翁壽言

人生養壽在清虛。逃世松江樂有餘。百尺竿頭何所獲。豈唯巨口細鱗魚。

藤野海南

名正啓字伯迪從六位三等編修官愛媛縣人

賀鱸香先生環曆之壽

風飄羽帳動祥雲。玉笋鳳簫天外聞。自是僊

姿長不老。洋洋聲裏度昏昕。

伊地知恆菴

名貞馨三等編修官鹿兒

島縣人

鱸香內邨先生六十一壽詞

茗溪一別隔西東。聞說齡高德益隆。闔境父  
兄皆豹變。百家經史盡冰融。慶筵人寄詩書  
畫。雅頌聲和角徵宮。聯袂探芳如昨日。眼中  
猶認舊時空。

西尾鹿峰

名為忠字叔謀正七位宮內省  
出仕京都府人

奉賀鱸香先生華甲榮壽

賀賓無箇不名流。松翠春圍萬卷樓。延壽何  
唯僊鶴是。傳家經業自千秋。

南摩羽峰

名綱紀字士張文部省出仕福  
島縣人

賀鱸香君周甲

詩書涵其德。風月養其神。育英報家國。下帷  
松江濱。文翁曾化蜀。鄭公又杜門。教誨何孜孜。  
生徒自彬彬。況有阿戎在。才學夙超倫。是  
父而是子。箕裘業長新。聞君週甲宴。及此春  
風辰。九如歌已古。鶴飛曲亦陳。為君何所詠。  
一門桃李春。

日下部鳴鶴名東作字子  
賜正五位滋  
賀縣人

辛巳四月。錄舊作。祝鱸香翁六十榮壽。  
前山月欲生。吟眺憑高閣。知是鶴歸栖。松頭  
片雲落。

岡 三槁名守節字子和  
正七位太政官  
權少書記官山  
縣人

祝鱸香老契六十一壽  
幅巾藜杖聊三徑。琪封瑤花別一天。

木原老谷名元禮字節夫  
琦玉縣師範學



校長茨城縣人

祝內邨鱸香。環曆壽。鱸香為予昌平黌友。一別三十年。杳絕耗息。頃令嗣子原遊學東京。馳書云。僕翁今年六十一。乞諸名流詩文祝其壽。非得先生一言不可。顧余亦迫耳順。文思枯涸日甚。不知以何祝鱸香。惟喜舊交之無恙。不可默止。便賦一絕以塞責。鱸香一見。笑予詩

老益拙也。

清俸拋來謝俗緣。遐齡占斷風月天。鏗金戛玉詩千古。眉壽何啻屆百季。

秋月韋軒

名胤永字子錫  
福島縣人

題富岳圖。頌內邨老臺榮壽之喜。

手寫名山贈故人。不騫豫卜勝仙椿。連床在學尚如昨。已是華年初度春。

堤 靜齋

名正勝字威卿  
靜岡縣人

壽鱸香內邨老臺六十一初度  
脫却紛紛榮辱間。超然歸卧舊青山。同窗名  
士多抱紫。不識幾人占此間。

大鄉學稿 名穆字穆卿石川縣人

祝鱸香先生週甲

萬卷圖書一箇觴。知君養壽有佳方。豹斑無  
變元因霧。松操不凡全為霜。恬澹年逢周甲  
子。昇平世閱小滄桑。天涯我亦從今老。擬慕

仙風醉瑞漿。

畫山水。辛巳春日寫以祝

鱸香先生周甲

岡本韋菴 名監輔德島縣人

聞鱸香內邨先生開還曆宴。賦一詩奉  
賀。會塵事蝟集。不能構思。錄舊製奉汗  
清鑑。

吾營學舍豈徒哉。要養擎天拔地才。不管弱

妻多口舌。且喜俗子少請哀。海風八萬有餘里。嶽雪二千五百回。都入雙眸無所碍。亭亭獨立觀音臺。

龜谷省軒 名行字子臧長崎縣人

辛巳三月錄舊作。賀鱸香詞宗初度。併請雅正。

珠簾潭潭坐涼堂。誰知間愁煎肝腸。金鞭隆隆奔駿馬。纔值蟻蛭躓且僵。黃金撐斗亦何

用。鑄山煮海百季忙。世事浮雲吾豈羨。花天酒地別有鄉。紛紛桂子秋月白。倚欄一笑聞天香。

大沼枕山 名厚字子壽東京府人

鱸香翁壽言

耳順纔過健自如。壽筵最喜俗音疎。從今七八堪開秩。周甲吾言是老初。

小野湖山 名長愿字侗翁滋賀縣人

詠松。寄祝鱸香內邨君六十一壽

老松偃蹇礪之阿。分與枝條借薜蘿。捧日擎天值有力。風霜雖慘柰君何。

森 春濤 名魯直字如戟  
愛知縣人

鱸香先生六十一壽言

歸來無夢及東華。二萬閑錢付酒家。明月扁舟秋正好。不教夫子出蘆花。

成島柳北 名弘東京有人

錄舊製壽鱸香翁華甲一周

琴書娛了淡生涯。豈望門閭容駟車。細雨微風春欲暮。一棚露放紫藤花。

神波即山 名桓愛知縣人

題古木竹石圖。賀鱸香老人六十壽。

無花古樹不知春。石丈唯存面目真。擷雨舞風全勁節。果然瘦竹似幽人。

平山椒垣 名寬字子容種  
子島中學教授

唐兒島縣人

辛巳春日。壽鱸香內邨先生周甲。余近日與令郎子原君相識。回得悉先生特行竒節。故詩中略述之。

一夜燈前焚諫章。江湖歸去樂初長。移他經國安民略。試此長生不死方。楊柳門常繫詩舫。桃花水好問仙鄉。有兒早已傳家學。乃父祇應弄酒觴。

菽野和庵 名由之字禮卿新瀉縣人

奉壽出雲內邨鱸香先生華甲

碧雲湖闊節君峙。近對遙帆映江市。松江勝名久耳聞。地靈且知出偉士。昨余來京叩校門。同遊得友字子原。才識超倫學有素。云是薰陶賴令尊。令尊先生儒雅粹。雲中才俊悉成器。知得天公留先生。與名山水競秀異。起自岷戶參國謨。老拋官爵育學徒。子弟一千

亦金集  
書萬卷。鱸香堂開臨大湖。講帷散時自閒適。  
丹桂樹下移吟屐。無端句成笑解顏。喜色湛  
然對湖碧。先生風骨老崔嵬。今春華甲壽筵  
開。頌辭豈啻傾海內。能文獻壽有老萊。欲奉  
仙觴侍霞帳。不遠千里西歸養。想見高筵筵  
始張。滿堂春風彩衣颺。於戲此兒而此親。清  
福如斯有幾人。大椿萬六未足道。一門桃李  
占斷春。余已遐方仰風者。況於令嗣交誼荷。

可無一篇賦九如。只愧菲才詞筆野。松苞竹  
茂屬陳凡。一片以之表微忱。清表依然百千  
載。節君山峙碧雲深。

宮原易安 名龍字子淵京  
都府人

內邨兄寄書云。今茲週甲將開壽筵。幸  
惠一言。余匆忙不遑構思。因錄舊製自  
壽七首之一以塞責云。數年前。余亦曾  
開壽筵於東山。當時諸子來賀。乘醉合

作書畫以盡歡。如詩中所云。想兄壽筵  
光景亦必如余當日也。一祭時在歲之  
辛巳梅雨月下澣。

傾盡南山酒幾罇。俊髦餘興托毫端。龍騰虬  
躍驚風雨。松茂竹苞描歲寒。

賴 支峰 名復京都府人

辛巳五月賦小詩。賀內邨盟臺華甲誕  
辰。

夙避塵寰奔競日。家山講道義終存。羨君涵  
養延天壽。始識文行似古人。

藤澤南岳 名恆字君成大  
阪府人

賀內邨鱸香君六十。聞君有令子。故及。  
吸露餐霞齡自長。青山深處寄幽芳。最歆錫  
類天恩渥。續續階庭漲國光。

濱名白塢 名保命字子崇  
大阪府人

辛巳春仲寫青綠山水圖。併題小詩。以

奉賀鱸香內邨先生華甲。兼希郢正。

養老牙籤只是明。澹心如水冷於僧。園存松菊陶彭澤。鄉美尊鱸張季鷹。書聲兼鳥語常和。山色與湖光共激。今春華甲人張飲。願壽高齡猶幾層。

寺西易堂 名鼎字子善大陳府人

賀倉山內邨先生榮壽

不愁頭上髮斑斑。老得清閑真是閑。佳事勝

情多晚暮。夜花殘月夕陽山。

澤田白山 名世範字子錫大坂府人

鱸香內村君周甲子。需詩古人云。心情多少。在六十二三人。目及之。

欲祝遐齡何所陳。世間徒唱栢將椿。修身併得治家訣。君是心情多少人。

奧野青溪 名温滋賀縣人

松泉雙鶴圖奉賀



永金集  
鱸香內邨先生環曆

黃

鈞選

名錫銓舉秀才清國嶺南人

光緒七年元宵節。余於岡鹿門先生坐中。得識烏根內邨北涯君。玉映華年。聲蜚綺歲。心焉愛之。尋讀其文。并出示其尊人鱸香先生行述。知其得益於庭訓者深也。北涯徵詩壽先生。余雖未識先生。而見鳳毛麟角。已知家國之祥。況懿

行偉績。昭昭在人耳目乎。爰賦二律。以誌瞻韓之思。竝希指正是幸。

讀書經世孰兼優。海外今聞第一流。造士有方通史漢。尊王大義本春秋。湖州舊業雙齋啓。諸葛英名一疏留。欲把黃金勒鑄祀。多君盡洗腐儒羞。

鐘鼎山林兩有成。碧雲湖畔寄吟情。生無建白士何用。業可傳家山亦名。時過故宮酬俎

豆更無片刺謁公卿。蒼蒼貽汝應多福。雛鳳聲偕老鳳清。

閔 翰山名種默正三品參判朝鮮人

內邨鱸香大人斤正

黃梅雨候晚風微。十里過從路不違。閒情井橘香凝研。喜氣庭蘭彩拂衣。此日開樽盃灑灑。行年回首夢依依。此會明年應似昨。相憐白髮易斜暉。

洞雲田水雨霏霏。高士幽居計不違。有子丰娟鸞鵠峙。同庚邂逅蛭足依。山樓碧封題詩句。京洛紅塵不染衣。一曲鶴南橫短笛。懷人東閣又斜暉。

內邨鱸香

六十一初度。次家藏史可法書幅陸老年伯母六秩壽詩韻。

六十一年初度辰。遭逢聖世仰絲綸。原來瑣  
尾庶民子。亦是昇平一士人。誰把瓊瑤作祥  
瑞。我將書畫代龍麟。請看諸彥多投頌。更覺  
今朝面目新。

永錫集 終

010190525584

48-12878

